

左恪靖侯奏稿續編

格靖奏稿續編卷四目錄

奏督軍分道入關摺

豫陳辦回情形片

覆陳籌辦情形摺

奏分道入秦妥籌辦理摺

奏調祝增唐炯來營差委片

奏剿捻三勝截擊回逆歸巢摺

奏陳北路回情靖邊失守片

遵 旨籌議山西河防事宜摺

奏督軍分道入關摺

奏爲鄂擒鼠豫秦擒渡渭而南臣軍分道入關恭摺由  
驛馳陳仰祈

聖鑒事竊臣於四月十八日馳報隨州追賊出境行抵  
樊城雇備車馱剋期入關後二十一日劉典緘報師由  
漢川新溝取道前來行至安陸府屬鍾祥縣豐樂河適  
擒逆又由應城天門縣境竄踞天洋意將沿漢水東岸  
上竄樊城賊騎已有越過安陸府者十七日劉典行抵  
宜城縣隔岸十五里官莊地方飭各營結壘待之賊見

官軍列屯漢岸扼其去路旋即引卻十九日劉典回師擊賊賊又於先日由洋梓向雙河竄棗陽之平林市臣詢署安襄鄖荆道唐協和知黃龍壩峪山一帶爲洋梓雙河來路二十口五鼓臣率全軍赴峪山唐協和率五營赴黃龍壩截之二十一日未申之交臣軍抵峪山中八條岡正築壘間唐協和馳報賊由洋梓雙河竄過平林鮑超所部夜襲賊館頗有斬獲賊日夜狂竄午間黃龍壩東十五里已見邊馬戍刻臣營東北兩面十餘里均見火光臣飭峪山寨土民分起引大軍出謝家棚

張家嘴七里灣黎明過滾河直趨孟家集迎頭擊之二十二日卯刻抵孟家集時賊已趨黃龍壩與唐協和所部相持其前隊則已由北路竄去辰刻臣軍抵張家集遇賊零騎逐之其與唐協和相持騎賊正思散隊猛撲忽見大軍自張家集馳出塵氛蔽天遂捲旗撥馬而走惟步賊落後爲官軍追及正衝殺間騎賊馳回搶護官軍馬隊從陣後衝出截擊賊不能支仍奪路狂竄官軍馬步緊追至棋盤岡汪家集等處陣斬騎馬悍賊數十名并長髮步賊百數十名其淺髮二三寸以下及手無

軍械者槩予免死奪獲馬騾數十拔出難民約千餘人  
官軍惟馬隊二名帶頭等傷收隊還營二十三日辰刻  
探報賊已由唐河踴淺過呂堰向新野竄去矣臣仍率  
各營還樊城二十八日劉典率所部自官莊來會適接  
山西臬司陳湜稟秦捻趨同朝經秦軍擊敗賊悉西竄  
未嘗北趨河防無警私懷稍慰急催購雇車馱旦夕西  
向臣抵樊時詢悉樊城車馱無多不敷裝運輜重軍裝  
一因亂後馬騾多被劫掠物產大絀一因頻年兵差擾  
累不堪車夫騾夫多致廢業一因車夫騾夫半多回民

頗以入秦爲苦比卽分遣差弁赴河南南陽新野唐縣  
賒旗店及老河口各處雇覓並飭地方官幫同照料兼  
買民間車輛騾驢以期速集詎料鄂捻竄豫商民避匿  
雖增雇購之價過市價倍餘尙少應者陸續湊併得大  
車百餘送總兵楊和貴等營由呂堰新野赴南陽以追  
鄂捻得馱騾百餘驢數十送劉興由老河口赴荆紫關  
以防秦捻而臣之親兵營及總兵周紹濂中路各營中  
書吳士邁之宗岳營則尙需陸續增添購雇其重資軍  
裝先由水陸裝運新野俟臣到再飭地方官雇民間里

車按站遞送不致稍有掣累臣軍行資已因發給各軍  
日食雇買車馱騾驢用盡又必催提後路糧臺協餉解  
到乃可成行計俟協餉提到車馱取齊約尙須數日之  
久由樊城抵潼關雖止十四站而步軍車隊每日需安  
紮行營祇可行走六七十里以恤兵力不能求速需廿  
餘日始可抵潼關與劉典由荆紫門出藍田之軍互通  
聲息所有臣軍分起陸續進發情形謹據實馳陳伏乞

皇太后

皇上聖鑒訓示謹

奏同治六年五月十一日

豫陳辦回情形片

再此次陝西漢回讐殺事起細微因平時積疊過深成此浩劫此時如專言勦無論誅不勝誅後患仍無了日且回民自唐以來雜處中國蕃衍生息千數百年久已別成氣類豈有一旦誅夷不留遺種之理如專言撫而槩予曲赦則良匪全無區分徒惠奸回而從前橫被戕殘之數百萬漢民冤痛未伸何以服輿情而弭異日之患竊惟辦理之法仍宜恪遵前奉

上諭不論漢回祇辦良匪以期解紛釋怨其樂

昇平其此次勾通捻賊之逆回及肇衅滋事之奸回率  
皆無業回民與漢之士匪游勇無異不但漢民讐之卽  
良回亦未必甘心傾附如責令良回縛獻軍前懲辦或  
帶引官兵尋蹤勦捕藉此區分良匪與衆棄之在回民  
自解有詞在漢民亦可少燭夙忿庶事理兩得其平惟  
回民思歸故土目前求其安插周妥固已爲難後此冀  
其耦居無猜尤非易事卽還詢之良回亦斷有難以釋  
然者臣擬入秦後從容體察地方情形徐爲籌辦暫惟

加以兵威先將逆回痛予勦洗然後察回民乞撫之誠  
僞別圖所以處之事前雖不拒其乞撫之請亦不欲率  
允安插原地致後此寬礙難行反損威信也愚昧之見  
是否有當謹預爲陳明伏乞

皇太后

皇上聖覽訓示遵行謹

奏

同治六年五月十一日

軍機大臣字寄同治六年五月十九日奉

上諭左宗棠奏督軍分道入關一摺劉典唐協和等軍

與鮑超所部在鄂省分路擊賊左宗棠亦親爲策應將賊壘迭擊敗逼出鄂境現在逆股業已竄至東境左宗棠正可迅速入關專辦張總愚一股該匪屢爲陝軍痛挫逆焰已衰左宗棠入關後與劉松山等軍會合夾擊務將此股就地殄除不可令其竄入鄂豫又成蔓延不了之局昨據庫克吉泰等奏稱捻匪被官軍在附省一帶擊敗又復渡渭北竄逆騎飄忽異常劉典一軍仍當由荆紫關趨赴藍田以防陝捻回竄武關之路毋稍大意月片奏覆陳勦撫回匪事宜與喬松年前奏大畧相

同回民亦係朝廷赤子斷無盡行誅戮之理惟其中積  
悍匪徒必先勦盡始可將良回分別招撫尤須月餘曠  
土緩爲安插勿令與漢民構衅方可久安所稱責令良  
回縛獻逆回必令其導引官兵尋蹤勦捕俾漢民少蠲  
夙忿之處辦理頗合機宜著俟入關時與喬松年妥爲  
籌辦將此由六百里各諭令知之欽此

覆陳籌辦情形摺

奏爲遵

旨覆陳仰祈

聖鑒事竊臣與劉典分道入關及豫陳辦同情形業於  
五月十一日恭摺由驛馳奏旋因雇覓大小車輻略敷  
裝運輸重所迎提餉項亦到卽於十三日啓行十五日  
次河南瓦店欽奉

寄諭有人奏練馬隊重賞格防要隘保完善四策所見  
不無可採著曾國藩等妥籌辦理逆騎飛竄靡常李鴻

章均當嚴密布置合力兜圍山西河防尤爲緊要著左  
宗棠趙長齡督飭陳湜認真辦理並催陳膺福等迅速  
募勇赴防其防河各員應否就近歸陳湜調度著左宗  
棠趙長齡妥籌具奏原件著抄給閱看欽此同日又奉  
寄諭以任賴股匪由新野北竄張逆擾至盩鄠將由臨  
渭回竄豫省

飭李鶴年嚴防李鴻章督飭湘淮各軍追截英翰出境  
防剿劉長佑飭張樹聲籌辦河防丁寶楨擇要駐紮張  
逆由盩鄠趨臨渭

飭臣軍迎勦喬松年督同劉松山郭寶昌追擊先滅此股勿任竄出與任賴等股復合敬繹

諭旨無微弗至臣勝欽服

臣維山西密邇

京畿實資拱衛以形勢言之大河沿邊千數百里有險可憑騎賊雖多勢難投鞭飛渡惟道里修遠津渡處處可通禹門迤南至河渭合流之處恃有陳湜水陸各營分投防守其自禹門至北河曲保德州等處則漢綠營兵及團勇聊爲點綴可恃與否不待煩陳

臣前奏所以

總總過慮擬催吉林新募餒手循大河東岸南下入秦

者此也茲幸張逆大股已經剽松山等軍擊敗折而西  
趨河防無警禹門迤北祇防回匪又河流正盛偷越爲  
難陳湜力可兼顧臣方率師西上行過澠池循河南岸  
亦可就近指撥是管之河防已較前時少緩矣分防各  
員如歸陳湜調度呼應自靈惟各員旣非擇能而使兵  
丁團眾又無足深恃卽令歸陳湜調度鎮道能聽受節  
制亦似於事無益容臣路過時察酌情形與趙長齡從  
長計議再行陳奏逆首張總愚前由整鄂東趨賊蹤已  
近臨渭旋聞關外大軍將到踉蹌西奔爲劉松山所敗

現復踣淺渡渭向西北而走其急思覓路他竄無疑隴  
西荒瘠殊常北山屢經蹂躪此皆非賊所欲竄也臣軍  
出潼關可扼東竄河南之路劉典一軍出荆紫關可扼  
東南竄豫竄鄂之路惟南山各峪口可竄興漢以入鄂  
入鄂山路雖狹可通驟馬賊如鋌而走險亦所宜防臣  
昨臨發時得提督高連陞函報四月杪已抵長沙臣比  
函商請其到襄陽後溯漢水而上由鄖陽以抵洵陽之  
蜀河口登陸五百七十里北達西安如賊竄入興安漢  
中高連陞一軍可以迎勦屆時四川防軍提督周達武

亦可調其與高連陞會師以勦爲防也臣已緘商周達  
武矣就目前局勢而論張捻自經劉松山郭寶昌黃鼎  
勦敗後勢頗衰蹙臣軍三路並進足乘其敝當不致任  
其竄出與任賴等股復合惟劉典已行抵荆紫關而臣  
軍取道潼關陸程多四百五十里高連陞一軍五月初  
旬由長沙啟行此時計已行過武昌由樊城過船汭漢  
而上至獨河口約在六月下旬未知均可到在賊前否  
耳臣惟有慎速圖之不敢遷延貽誤致失事機所有籌  
辦情形謹據實覆陳伏乞

皇太后

皇上聖鑒訓示謹

奏同治六年五月二十日

軍機大臣 字寄同治六年五月二十六日奉

上諭左宗棠奏覆陳籌辦防勦情形一摺並富明阿等  
奏勇丁起程分赴東陝請飭沿途接濟口糧車輛各摺  
片覽奏均悉陝省捻匪勢已窮蹙現復渡渭北竄左宗  
棠自應遵奉疊次諭旨迅速入關將此股就地殄除南  
山各峪口均與興漢可通尤當分兵堵扼以防捻匪折

武南山高連陞一軍著卽催令迅由鄖陽一路赴陝以  
備速勦晉省河防仍著左宗棠妥籌兼顧所募砲手二  
千五百名現已據富明阿等奏稱如數募齊並勇丁自  
募長夫剋日起程每名雖給付五十日鹽糧而受募遠  
征函應體恤著都興阿額勒和布恩錫劉長佑趙長齡  
飭令經過地方官量加接濟以利遄行其調赴山東之  
勇丁一千五百名餘丁一百五十名營官六十二員名  
並備差兵三十二員名均著沿途經過之將軍府尹督  
撫等飭令地方官協濟車輛以速遄行需用車價准其

作正開銷所需勇丁整裝及留勇銀兩卽著照富明阿  
等所議辦理原片一件著抄給丁寶楨閱看將此由六  
百里各諭令知之欽此

奏分道入秦安籌辦理摺

奏爲臣軍分道入秦抵關後詳察情形妥籌辦理仰祈  
聖鑒事竊臣與劉典分道入關啟行日期業經馳報臣  
率各營於五月十三日由樊城起行後天氣酷熱異常  
曷暑過征頗形泥瘁經過之處苦旱數月至二十四五  
等日大雨時行人心始定而途間積潦縱橫泥深沒輻  
輳行殊不能速聞因避雨停程備極委頓六月十三日  
始抵陝州屬靈寶縣次日向稠桑驛以指閿鄉師行函  
谷之間兩面峭壁矗立一徑縈紆午後臣率各軍甫出

谷口待後起輜重軍火未至申酉之交忽黑雲西起雷電交作頃刻大雨傾盆山溜暴發平地水深數尺後起車輛前者甫近谷口後者方自坂上迤邐而下適山衝逼束水勢衝激車馬撞擊破裂至多押解之弁勇長顧短顧之車夫數十名及車騾均隨流漂出大河其中遇各營搭救得免者亦多被傷損而軍火輜重則十不存一矣幸各軍隊伍均攜軍械隨行在前礮車所載子藥毫無損失倉卒之際得以從容鎮定差免驚擾經理一日仍率所部次第啟行十八日行抵潼關駐營西關外

得劉典緘報十六日已抵藍田沿途勞苦情形正復相  
似高連陞已於初四日行抵樊城其大隊均乘舟溯漢  
而上值夏水盛發舟行頗遲計此時當可取齊拔隊而  
西也捻逆屢爲劉松山等所敗亟圖竄豫聞臣與劉典  
大軍由東而來乃避竄渭北擾及同朝復爲劉松山所  
敗東阻大河爲晉防水陸所扼現又返竄而西至蒲城  
地境據劉松山疊次稟報賊勢衰蹙人數不逾兩三萬  
能戰者不過萬餘惟健馬尙多一賊數馬更替乘騎故  
能騰忽如常現值伏暑時疫流行賊眾多病而官軍奔

馳牛載轉戰東西勞瘁萬狀染疫物故者多患病者亦  
幾於十之二三矣陝回之敗遁甘肅者均乘擒逆之亂  
絡繹回陝人數既多種類不一又有隨教之漢民及甘  
省飢潰之兵勇附麗其間與之同惡相濟其蹤跡與擒  
時離時合北山一帶遍受其擾此外又有土匪一種千  
百成羣時出劫殺全陝境內已無完土臣駐潼關劉典  
駐藍田暫資休息先遏賊出竄豫鄂之路一面偵察賊  
蹤妥爲調遣一面籌畫軍食調集軍需以免臨機停待  
務將擒逆盡之秦中免致留毒他方又成不了之局擒

逆旣平則辦理猶逆餘逆亦易爲力矣謹會同幫辦軍  
務三品卿銜臣劉典恭摺馳奏伏乞

皇太后

皇上聖鑒訓示施行謹

奏

同治六年六月二十四日

奏祝塏唐炯來營差委片

再治軍以擇將爲急而將領之才尤須就地甄拔冀其  
習知山川險阻風謠民俗用其土著以辦近地之賊較  
客軍尤能得力也是故教匪平而西蜀之將材出海寇

平而閩粵之將材出卽如近時江以南多用楚軍淮南  
北多用淮軍此皆理勢所固然未庸強也臣自奉

命西征卽立意訪求關隴人才與謀軍旅之事頃自鄂  
豫入秦途間諮訪官紳如鹽運使銜直隸候補道祝壇  
吏幹將才爲中州一時之冠雖經曾國藩劉長佑前後  
保薦迄未能少盡其長而聞實相符實有未可終掩者  
該員年齒方壯意氣發舒當其任事時未免有吐棄一  
切之概其不爲時流許與固在意中然細考其致謗之  
由則有謂其恃才而矜者偏聽而誤者至於才器恢闊

操守謹慤則同時無異詞焉臣竊以爲時局艱難需才孔急人才難得自古已然有才如此正時所需而必過於吹求以一眚而掩其大德無怪持祿養交貌爲謹厚者得以取容於一時而志節之士末由自振也祝塏治軍之才用之豫中已見端緒其籍隸陝西於故鄉風土人情尤所熟習聞其在曾國藩李鴻章軍中充當營務處未盡其用此時未知是否隨營抑回直隸候補應請飭下欽差大臣湖廣督臣李鴻章直隸督臣劉長佑查明監運使銜直隸候補道祝塏現在何處令其迅赴臣

軍差遣於治兵開屯各大政必有裨補又四川卽補知府唐炯志堅識卓沉毅有爲曾游秦中習其土俗應請旨交臣差遣委用以資臂助謹附片具

奏伏乞

聖鑒施行謹

奏

同治六年六月二十四日

軍機大臣 字寄同治六年七月初一日奉

上諭左宗棠奏各軍分道入秦抵關後妥籌辦理一摺左宗棠所率各軍冒暑遠征頗形勞瘁而於甬谷倉卒

之際得以從容鎮定覽奏甚慰捻逆疊經追勦其勢已  
衰正可乘機翦滅著左宗棠卽督飭劉典各軍嚴密兜  
擊悉數殲除肅清陝境毋令出竄豫鄂復肆蔓延高連  
陞所部已溯漢西上並著該大臣及早迎提以厚兵力  
至所稱陝獨及勇兵土匪擾害情形均著隨時妥籌辦  
理片片奏請調員差遣等語直隸候補道祝壇已諭知  
劉長佑催令前往如尙在李鴻章軍營著卽飭令赴陝  
四川卽補知府唐炯著歸兼章飭赴左宗棠軍營聽候  
差委將此由六百里各諭令知之欽此

奏勦擒三勝截擊回逆歸巢摺

奏爲官軍追勦擒逆三獲勝伏猖逆同時內犯各路官軍分道截擊遁歸老巢現籌辦理情形恭摺馳

奏仰祈

聖鑒事竊擒逆自渡過渭北後盤旋於蒲富高渭之間以其地勢平坦利於馳驟也六月二十九日廣東提督劉松山記名總兵郭寶昌按察使銜留陝補用道黃鼎探賊盤踞蒲城東北高閣馮家村葦荻村一帶會商出隊擊之劉松山等行至張村郭寶昌率所部由洛河來

會七月初一日郭寶昌由東路進甫至富安村見村中賊騎已滿不知官軍候至半在村外掠食未歸郭寶昌遽起掩之村外之賊飛奔迎拒郭寶昌擊敗之賊之在村內者已爲總兵孫立士擊敗四竄副將王立洪遊擊王鳳鳴都司宋喜元等率馬隊分馳截殺賊向蒲城狂竄官軍追之適劉松山黃鼎大隊從南橫截而出合隊追至蒲城西雙家埠羅家庄屈家村一帶收隊初二日寅刻復三路進剿行十里許卽與賊遇擊敗之午刻追至興市鎮賊向富平竄逸初三日寅刻劉松山李祥相

等由中路黃鼎山左路刳隊而進郭寶昌由右路依山而進帶領馬隊之副都統全福總兵楊世俊張會元等兩翼列陣後備抄襲行八里許聞右路礮聲起劉松山等督中路急進至索家村遇賊大隊擊敗之追至昌甯村適郭寶昌黃鼎已將左右兩路賊擊敗賊亦歸併一處是處地勢坡陀迤邐溝坡縱橫賊騎不能馳騁劉松山等數路并進蹙之火械迸注電掣星流賊陣大亂劉松山飭所部衝入賊中縱橫盪決立斃長髮悍賊二百餘名騎賊狂竄不復抵拒郭寶昌復從右路追至各

軍馬步合追三十餘里至富平之何家莊收隊黃鼎料賊連日狂竄人倦馬乏當乘其疲是夜三更選壯士二百餘親率以行甫至九郎廟遇守卡賊約二十餘人卧地酣睡殺之黃鼎率數十人伏卡外令勇士先進潛襲張家堡堡門洞開勇士跳入亂刃斫殺賊驚駭狂竄黃鼎率數十人馳至截殺之乘勢殺入張家廟賊紛紛由堡後跳牆走黑夜顛墜死者不知其數賊大隊之踞前村者鳴鳴三似號召其眾者頃刻馬賊步賊喧呼甚急天色漸明黃鼎徐率所部還此六月二十九日至七月

初三日各軍追擊擒匪獲勝之實在情形也計是夜其  
斃髮擒近三千名生擒五百餘名內有賊目陳允發施  
見文屈中喜趙啟新徐似虎張老么等數十名並賊首  
李傳新楊五等妻子奪獲馬騾驢近千匹賊由富平西  
竄臣松年檄統帶靖安五營記名提督陝安鎮游擊劉  
效忠超三原涇陽扼之初六日賊遂竄至三原城北五  
里之土官村劉效忠擊之斃悍賊八十餘名生擒十三  
名奪騾馬四十餘匹賊仍西竄初七日賊騎已薄臨涇  
河沿適連日大雨涇水漲發賊屯踞河沿一帶希圖水

落西渡忽聞官軍自後追至初八日急傍北山斜出折而東趨比官軍初十日馳至則賊之尾隊亦去盡矣十三日回竄三原掠縣城而過劉效忠躡追至焦家堡副將衛叅將張心揚路扶劉維善誤中賊伏力戰死之陣亡勇丁五十六名失馬七十一匹是日晡聞賊前隊已竄過高陵縣沿渭水北岸晝夜東竄劉松山等追至高陵候糧未至而距賊已遠賊騎我步勢難追及臣宗棠以狡賊明知大河前橫而東趨甚速殆以官軍每次追賊皆尾賊而行意欲俟官軍悉東乃乘虛折而西趨以

遲其蹙渡涇渭之計比緘致劉松山賊已去遠勿躡蹤窮追致疲兵力卽改道由富平出蒲城變尾追爲迎頭較爲得勢一面飭提督銜總兵楊和貴總兵周紹濂周金品率所部馬步各營由郃陽朝邑回軍之便馳赴華州臣劉典督所部五營及總兵劉端冕前路各營由藍田進駐臨潼與華州各營遙相聯絡皆憑渭結營扼賊南渡渭水飭劉效忠馬步五營移駐涇水西岸扼賊西渡涇水新授甘肅提督高連陞率所部十九日行抵藍田現今其休息數日俟軍裝輜重取齊卽由藍田進駐

咸陽南岸擬俟賊蹤漸西臣宗棠亦卽率親兵各營前進督勦其臨潼咸陽各軍屆時當架浮橋跨渭南北隨賊所向擊之此布置大略情形也至陝獨之逃入甘肅者自捻逆入陝後值官軍戰事方殷遂肆披猖分股入犯西路則甘肅靜甯州消河莊逆首李得倉一大股由甘肅華亭縣擾及鳳翔府屬龍州七月十一日竄至州境宰相莊一帶旋於十四日由甘肅靈台竄至鳳翔府屬之麟遊縣境招賢鎮白馬坊同時分股竄汧陽縣屬之高崖麻夫站均由各州縣督團擊退歸巢西北路一

股則由甘肅甯州官河等處竄擾三水縣境土橋七月初三日前記名提督譚玉龍擊之斃賊百餘名奪騾馬二十餘賊竄清化縣境二十里原管帶勝字三營候選同知秦國輔扼之賊退紅土圪塔譚玉龍收隊適由鎮頭堡馳至夾擊賊遂紛潰由石門關遁回正甯縣屬之馬攔鎮等處老巢此股賊數不過千土匪漢獍雜湊其間勢不甚悍也北路則獍匪土匪合併一大股獍匪以甘肅合水縣太白山及鄜州屬之王家角槐樹莊爲老巢匪目之最著者爲陳陽和馬義和擁眾數萬土匪有

新營老營兩股老營匪首爲董福祥新營匪首爲扈正  
晴時出沒於保安安塞扶峪及新集老集董園橋扶定  
邊集各處無一定巢穴幸記名提督西林巴圖魯劉厚  
基以馬七營之眾分布廊州中部洛川以及廊州之  
張村驛任家台甘泉縣之道左舖等處隨時堵剿廊州  
頗以粗安東北路一股則匪由甘肅慶陽而來匪首一  
爲馬長順一爲呂得彥擁眾萬餘以北山董子原黃龍  
山爲巢穴自六月由洛川擾及澄城韓城兩縣撲城掠  
野竄郃陽縣百良堡進擾兩女鎮一帶勢更披猖駐郃

陽之守將記名總兵李南華不能禦七月初五日賊躡擾至朝邑縣境謀報賊方運木赴夏陽非圖樹柵作巢卽爲結筏渡河計臣宗棠立飭總兵楊和貴周紹濂周金品等率馬步各營由三河口渡渭勦之適初六初七等日大雨如注河渭同時并漲風濤洶湧浮橋中斷者再致愆師期比抵朝邑賊已聞風鼠竄十二日楊和貴等追至露井兩女鎮一帶則賊已悉數遁歸黃龍山老巢矣臣宗棠以賊蹤去遠追弗能及而捻逆又有折竄東路之耗令楊和貴仍回三河口老營聽調現飭由華

陰華州進勦此各股猖逆乘機肆擄旋復遁逸之大略也竊維陝省全局之患在擒與猖以賊勢論回紇而擒悍猖散而擒聚以賊情論猖之通擒圖藉擒以抗拒官軍遂其剽掠擒之通猖圖藉猖以牽制官軍使其縱橫益猖逆意在亂秦擒逆意在竄豫彼此各有所圖兩不相喻盜賊羣居無終日之計故旋合而旋離也官軍之討賊也宜先擒而後猖蓋擒強於猖擒平則猖益震一也擒在秦不過秦之患竄豫則中原之患兩害相形在秦爲輕又一也擒聞大軍自潼關荆紫關分道而來避

竄渭北其曰竄郿豫之念未嘗忘意俟大軍進至渭北  
乃乘間南渡得以善脫耳故勦擒又非先扼渭水杜其  
偷渡不可臣宗棠前飭臬司陳澧就晉局代造師船一  
時未能應手暫飭陸軍分段駐紮一面搭架浮橋剋期  
北渡截勦惟渭水漲落不時自三河口以抵咸陽五百  
里間可偷渡之處尙多咸陽以上懿屋郿縣一帶水勢  
更小處處皆可涉淺而過陸軍萬難分布祇可臨時相  
機調遣隨賊所向截之并一面飭西安漢中鳳翔三府  
各飭所屬豫將郿縣寶雞連各峪口路運掘寨以免

紛竄而昭周密所有辦理情形謹合詞馳陳伏乞

皇太后

皇上聖鑒訓示謹

奏

同治六年七月二十七日

奏陳北路回情靖邊失守片

再七月初十日臣等欽奉

寄諭裕瑞桂成奏調蒙兵分防請調山西兵勇協防一  
摺陝省猶逆肆擾歸綏毘連邊隘在在應防擬條梁爲  
山陝門戶現有另股滋擾著左宗棠喬松年等迅飭體

兵員并就地殲除毋令竄及晉疆並將該處防務嚴密  
布置務臻妥協欽此 臣 喬松年旋於十六日接延綏鎮  
陶茂森轉據延榆綏道高壽咨六月十四日靖邊縣報  
賊匪圍攻縣屬張家溝當即飛咨駐紮延安之記名提  
督胡世英迅撥官兵由保安馳勦二十日據懷遠縣報  
山西解餉委員朱守正十六日管解餉銀行至石渡口  
驛詢據難民聲稱靖邊縣城已於十五日失守賊約二  
千餘人十六日分股竄擾鎮靖堡道路梗阻隨將餉銀  
折回查懷遠雖有波羅營兵百名防守勢力俱單陶茂

蘇比仿綏德防勦之右營遊擊李允芳帶領所部官兵  
五百十四員名由雙湖峪孫家灣至懷遠一帶進勦其  
進勦情形尙未據陶茂森續報裕瑞桂成所奏另股滋  
擾當卽指此查靖邊懷遠地在陝西極邊西接甯夏東  
界榆林北倚邊牆南連北山爲甯夏通歸綏孔道延榆  
綏兩府一州素稱荒遠中隔鄜州慶陽府所屬各縣地  
境本爲回匪出沒之所薜息間隔署督臣穆圖善前調  
記名提督胡世英統領英禮等十營駐紮延安相距最  
近兵力較厚此時就近調撥惟此軍爲宜該提督自移

駐延安以來於軍事全不經理前此保安安塞告急時  
府縣稟請救援該提督推稱該軍應候穆將軍調遣迄  
無派撥臣宗棠於七月初三日照飭該提督查明實在  
情形及曾否赴援呈覆未接該提督覆到風聞該提督  
所部英禮各營亦多逃潰七月十四日奉

寄諭穆圖善奏賊撲延安郡城官軍進剿獲勝臣等細  
查并無其事胡世英如何朦稟穆圖善致穆圖善據以  
上陳殊堪詫異除再檄飭相機援剿外應請

旨飭下穆圖善嚴飭胡世英就近相機馳剿毋任藉詞

誘延嗣後呈報軍情應並呈報<sub>臣</sub>等俾得互相稽核庶免朦蔽貽悞理合據實附陳伏候

皇太后

皇上訓示施行謹

奏同治六年七月二十七日

軍機大臣 字寄同治六年八月初四日奉

上諭左宗棠等奏官軍勦擒疊勝並獮逆同時內犯各軍分道擊退及現籌辦理情形一摺擒逆盤旋渭北經劉松山等軍分道追擊一敗之於昌甯村再敗之於張

家廟賊鋒大挫其竄至三原之賊又經劉效忠擊敗由  
高陵一帶東竄左宗棠現今劉松山由富平前進易尾  
追爲迎頭並飭劉端冕由藍田進駐臨潼與華州各營  
憑渭扼賊均能洞見賊情著卽會同庫克吉泰喬松年  
督飭劉松山高連陞等乘聲威合力兜剿迅掃狂氛該  
逆意圖南渡應如何覘賊扼擊之處並著隨時布置徇  
逆土匪乘隙四擾實以撓亂官軍著檄飭譚玉龍劉厚  
基各軍務於宜君甘泉等處加意防範毋得稍涉疎虞  
致剿擒各軍爲賊所掣盤屋郿縣一帶及寶雞各峪口

該大臣等務當先事嚴防以遏旁竄延榆綏各屬爲猗匪出沒之所防務實關緊要前據穆圖善奏賊撲延安郡城經總兵胡世英督隊進剿斃匪甚多茲據左宗棠等奏稱保安安塞告急時胡世英並未派兵往援等語是前次勝仗該總兵顯有捏報情事著穆圖善按照左宗棠等所奏據實查明奏參毋許瞻徇以後該處軍情該署督等務須互相知照以杜弊端左宗棠等原片著抄給穆圖善閱看將此由六百里各諭令知之欽此

遵旨籌議山西河防事宜摺

奏爲遵

旨籌議山西河防事宜仰祈

聖鑒事竊臣宗棠前奉

諭旨山西河防尤爲緊要著左宗棠趙長齡督飭陳湜認真辦理並催陳膺福等迅速募勇赴防其防河各員就近歸陳湜調度著左宗棠趙長齡妥籌具奏欽此臣宗棠覆奏俟路過時察酌情形與臣長齡從長計議再行陳奏茲抵滄關陳湜過河來見連日晤商一切據陳

澁言西路上自保德州起下至龍門口止計程千數百里原責成總兵蔣臨照馬升分段防守惟渡口甚多僅止營兵團勇散布分防實不足恃此時河流盛漲防範尙易一交冬令冰橋凝結河身窄狹灘石縱橫全資陸軍憑岸堵截乃可無虞而河岸綿長非預調久經戰陣營哨各官添募勁卒數千聯絡一氣分布其間難言確有把握其保德河曲迤北邊外河岸地屬綏遠歸化轄境西通甘肅甯夏地勢遼濶斷非內地防軍所能兼顧夏間會有西路回民乘坐大艍船至包頭地方登岸潛

入歸綏一帶商民驚疑之事現正密檄查辦此路防務不可不嚴其龍門迤南至蒲州風陵渡一帶水陸兼防似尙周妥現已加製礮船四十安置下游垣曲一帶尙再於三門以上增設礮船數十號合現有之船分布西南沿河庶山西內地河防一律鞏固矣臣等察陳泌所陳河防情形至爲詳盡山西幅員南北長而東西稍狹大河自西北來至綏遠歸化所轄之薩拉齊邊境始折而南入邊歷河曲保德興臨永甯石樓永和大甯吉州鄉南河津榮河臨晉各州縣境以抵蒲州均與陝西接

界東岸爲晉西岸爲秦自蒲州之風陵渡陝西潼關折而東趨厯虞鄉芮城平陸以抵垣曲均與河南接界北岸爲晉南岸爲豫自垣曲而東爲河南濟源縣自是大河南北兩岸始隸豫轄矣就山西全境河防而言應分爲三段一自歸綏所轄起至河曲縣保德州止爲西北岸一自河曲保德起至蒲州附郭永濟縣境止爲西岸一自永濟起至垣曲止爲南岸就三段而言西岸道路絲長津渡至多與陝西同州延安綏德各屬地址緊連爲捻獮窺伺之所較南岸爲尤重陳湜以水陸數千之

軍自禹門以下節節設防原屬難敷分布幸創製礮船  
與陸軍相依足省人力而南方勇丁生長澤國使船善  
於使馬用之憑河設守較北人爲宜惟自禹門以上河  
狹灘多山西弁兵鮮經戰陣團勇旣不足恃倉卒調集  
又恐人數不齊不如由陳湜遴選營哨之才回南選募  
較有實濟除臣長齡前飭陳膺福速募千人外應令增  
募一千名交陳膺福統帶再加製礮船三十號并由陳  
湜於現在防營五千人內酌留數營防守西岸迤南及  
南岸一帶再派弁回南增募勁卒三千人與西南騰出

各營派赴禹門以上節節設防至保德河曲境而止其  
保德河曲河岸併責成大同鎮總兵馬升就近派該標  
將弁兵丁協防歸陳湜節制陳湜應於汾州一帶擇地  
駐紮居中調度凡屬內地防文武兵勇槩歸陳湜節  
制調遣如有粉飾疏忽抗玩軍令者由陳湜稟知臣等  
據實叅奏從嚴懲辦以昭儆戒庶情聯指臂隱若長城  
而河防可期永固矣其南岸垣曲以下接河南界若河  
南亦仿造砲船百餘號自濟源境起延紮至直隸界上  
與山西水師相連下與直隸水師通氣則爲河南計可

以屏蔽懷慶衛輝彰德三府地方爲山西計可以省東  
面數郡陸路之防兩省均得其益而合晉豫以重全河  
形勢拱衛

畿輔尤足以建威而銷萌是所費者小而所益者大可  
否仰懇

天恩飭下河南撫臣速製砲船一律設防之處出自  
聖裁至山西增募水陸勇丁月餉頓增兩萬有餘而船  
砲軍裝一切製造之費均須預籌晉省悉索已空原難  
設法惟事在必行卽多費亦有所不敢惜况前此疊蒙

天恩四年允減京餉三十萬兩去年又

允減京餉三十萬兩

高厚宏施軫念完善地方實已無微不至卽舉此項辦理防務亦固其宜現在署山西藩司胡大任素顧大局又與陳澧力圖共濟艱難自能妥爲料量應否如斯辦理之處伏候

聖明酌度施行其由保德河曲以抵西北邊外薩拉齊廳一帶河岸漢蒙回商民雜處其間亟應嚴密防範除由臣長齡咨大同鎮總兵飭歸綏道親赴各渡口察看

情形妥籌派撥嚴密防守設卡盤查以昭慎密惟地處邊外距省爲遠所有緊要機宜若待往返諮稟深虞延悞應請

飭下綏遠城將軍就近督辦防務該鎮道等統歸將軍節制以一事權是否有當理合會銜馳

奏伏乞

皇太后

皇上聖鑒訓示施行謹

奏

軍機大臣 字寄同治六年八月初二日奉

上諭左宗棠趙長齡奏遵議山西河防事宜一摺山西河防經左宗棠行抵潼關與陳湜晤商籌畫分段設防情形尙爲詳盡惟地段綿長必須擇要扼堵水陸相依方足以昭嚴密著該大臣傳知陳湜悉心經理力保晉疆不可稍涉疏懈一應增兵籌防各事宜均著照該大臣等所議辦理其保德河曲河岸卽責成馬升就近派該標將弁兵丁協防歸陳湜節制並著飭令陳湜於汾州一帶擇地駐紮居中調度策應凡屬內地文武兵勇

概歸陳浞節制調遣如有粉飾疏忽抗玩軍令者卽由  
陳浞稟知左宗棠趙長齡從嚴叅奏南岸垣曲以下界  
接河南著李鶴年仿造礮船百餘號選派員弁駕駛自  
濟源境起延紮至直隸界上與山西水師相連節節布  
置以期周密至山西增募勇丁月餉及船礮軍裝一切  
製造之費著趙長齡責成署藩司胡大任籌款舉辦毋  
誤事機保德河曲以抵西北邊外薩拉齊廳一帶河岸  
漢蒙回商民雜處防範宜周前因甘肅回民有赴歸化  
購買馬匹軍裝偽造文書護照情事當經諭令裕瑞桂

成一體防範著該將軍等懍遵前奉諭旨實力督辦所  
有在防各鎮道等均歸該將軍節制以一事權將此由  
五百里各諭令知之欽此

恪靖奏稿續編卷五目錄

奏勦辦陝西北路回土各匪大勝摺

勦擒獲勝現檄各軍大舉截勦摺

請飭催曹克忠速赴陝甘仍統舊部片

奏甯條梁被陷米脂被擾自請議處摺

甘省糧餉奇絀援案請辦米捐摺

請賞給劉厚基母氏棧枝珍藥片

奏勦辦陝西北路回土各匪大勝摺

奏爲勦辦陝省北路回土各匪攻克安塞縣屬橋扶峪馬家莊老巢大獲勝仗殲擒要逆恭摺馳

奏仰祈

聖鑒事竊陝省北路鄜延一帶回逆土匪勾結肆擾老營土匪董福祥新營土匪扈正喜兩股出沒甘肅慶陽甯州交界之華池及陝西安塞之橋扶峪等處其盤踞橋扶峪新莊口方家河下寺灣陳家紙坊王家坪張河灣石門子等處者逆首偽大元帥張幅滿偽副元帥李

雄安擁衆萬餘人仿照官軍編立哨隊犄角分踞連結  
回逆招納叛勇實爲延鄜大患張幅滿者曾與董福祥  
扈正喜歐狗兒等攻陷安塞甘泉二縣城本係稽誅巨  
逆現復潛約回土各匪謀於七月二十五日攻延安府  
城記名提督西林巴圖魯劉厚基於府村道左鋪兩捷  
後軍威頗振張幅滿等將家屬輜重悉寄匿距橋扶三  
十里之馬家莊以悍賊數千守之七月十二日劉厚基  
分撥所部一千六百餘人留防鄜州中部及鄜州西南  
之張村扼其內竄之路卽調集所部前營中營衛營副

中營及虎威馬步小隊進勦橋扶正拔隊間橋扶之賊  
分股突竄距甘泉縣廿五里之勞山一帶署知縣魯學  
浩派令團勇堵勦深入中伏陣亡弁勇四十餘人劉厚  
基聞報卽飭中衛兩營星夜馳援並催副中營兼程前  
進十三日齊抵甘泉十四日派隊迎勦擒斬悍賊百餘  
名餘賊越山而遁劉厚基飭魯學浩籌辦轉運定計十  
六日進攻橋扶行至石門子地方賊數百人正在掠食  
提督劉聲集揮軍掩擊擒斬百餘名賊潰走劉厚基督  
隊乘夜疾行六十里襲破王家坪下灣陳家紙坊各賊

巢穴途斬賊甚衆潰賊墜岩落水死者不可數計十七日回土各匪紛紛渡河來援劉厚基派總兵王雲年叅將劉厚填都司梁得勝等以一營設伏山溝一營向前進擊鏖戰數刻賊始敗北伏兵齊起陣斬悍賊數百梁得勝裹創追斬賊目石姓並生擒逆黨貳百餘名十八日五鼓劉厚基傳令各營出六成隊冒雨進攻橋扶峪距峪十餘里張幅滿率悍黨數千抗拒劉厚基派撥隊伍緣崖循河分路並進親督小隊居中迎擊以數騎往來誘敵伺賊深入三路掩殺賊衆大敗我軍乘勢躡追

立將橋扶略老巢踏毀殺賊黨百餘名餘賊狂竄馬家莊一帶我軍築壘葺食整隊復進連破新莊口方家河賊壘數處乘勝直抵馬家莊該處依山傍水賊浚濠樹柵爲負隅計悍賊列隊柵外鎗矛林立並於隔河石猴子地方排列九節大砲數尊向官軍轟擊迭傷弁勇十餘名我軍佯示憊息密傳號令一鼓齊上喊聲震天遊擊田玉廣首先陷陣砍紅巾賊數名遊擊李作福鄧登科率馬隊從後包抄劉聲集王雲孚劉厚填及副將戴貴品朱楚文遊擊王賢俊千總余國弼等率隊伏前面

河干梁得勝及副將黃超羣都司張正喜千總甘彰輝等率隊繞出山後截其竄路劉厚基督同府經歷梁以恭縣丞馬樑臣升用主簿袁文炳等往來搏戰先以開花砲轟散隔河之賊該逆猶死拒不退還兜撲門叅將賀厚其千總張文彥李興藻把總黃良弼外委王佐暨馬步勇丁趙大生等均受傷陣亡我軍愈接愈厲鏖戰兩時之久劉聲集挺刃大呼衝入賊隊各弁勇蜂擁繼進李作福等從後路襲殺前後夾擊賊屍遍地該逆勢已不支急奔回柵我軍一擁殺入僞大元帥張幅滿攜

家屬二十餘口投河死悍賊復結隊衝出樸河洄竄水  
大溜急悉數淹斃積屍順流而下不下數千其由寨後  
逃出者又爲梁得勝黃超羣等截殺生擒僞副元帥李  
雄安僞統領梁可材楊占彪僞營官趙萬勝鄭朝忠等  
三十餘名賊黨千餘名搜獲篆刻順受天歸四字僞印  
一顆大帥旂二桿餘賊漏網無幾向西北竄逸奪獲騾  
馬牛羊器械無算旂幟刀矛拋棄滿河數十里不斷賊  
巢一律焚毀劉厚基收隊回駐橋扶峪提訊生擒各賊  
中有作官軍裝束者訊係總兵胡世英所部英禮營訪

拿未獲之叛勇計一百八十五名與著名要逆李雄安等七百餘名一併正法其餘脅從並婦女老弱概給免死護腳賞以所獲牛羊遣回本籍劉厚基誦知回士各匪有二十五日糾納暗襲延郡之說回軍甘泉以備不虞是役也記名提督西林巴圖魯劉厚基以二千人破賊眾萬餘數日之間轉戰百餘里所部將士久駐北山迭著戰績此次更能不避艱險搗穴擒渠勞績昭彰未可掩抑所有尤爲出力之記名提督劉聲集應請

賞給該員父母一品封典副將黃超羣戴貴品朱楚文

均請

賞加總兵銜黃超羣戴貴品並請

賞給勇號叅將劉厚填請以副將仍留四川補用並

賞給勇號遊擊田玉廣李作福請以副將儘先補用遊  
擊王賢俊藍翎都司梁得勝鄧登科均請以叅將儘先  
補用梁德勝鄧登科並請

賞換花翎藍翎都司張正喜藍翎守備余國弼均請

賞加遊擊銜並

賞換花翎藍翎千總甘彰輝請以都司補用並

賞換花翎把總梁德華許嘉陞焦玉琴均請以守備儘  
先補用梁德華焦玉琴並請

賞戴藍翎許嘉陞請

賞換花翎軍功梁肇榮姚發義均請以千  
總儘先拔補

並

賞戴藍翎候選州同鄧鍾衡前拏獲陷城首逆歐狗兒  
此次隨克堅巢出力請免選本班以知州留陝儘先補  
用補缺後應升之缺升用藍翎留陝縣丞馬樸臣隨攻  
堅壘生擒要逆請以知縣仍留陝西儘先補用並免交

分發銀兩候選府經歷梁以恭督隊衝鋒殲擒要逆請  
以知縣儘先選用並

賞戴藍翎升用主簿儘先前選用從九品袁文炳每戰  
爭先不避矢石請以縣丞儘先選用並

賞戴藍翎其力戰陣亡之叅將賀羣其千總張文彥李  
興藻把總黃良弼外委王佐應請

敕部議卹以慰忠魂其餘在事出力各員并可否查明  
案案保獎之處出自

天恩所有攻克安塞縣屬橋扶峪馬家莊賊巢大獲勝

伏願擒要逆緣田謹合詞繕摺馳

奏伏乞

皇太后

皇上聖鑒訓示施行謹

奏同治六年八月二十六日

同治六年九月初二日內閣奉

上諭左宗棠等奏官軍攻克安塞縣屬橋扶峪等處賊巢殲擒要逆請將出力文武員弁獎勵一摺陝西鄜延一帶回逆土匪肆擾勾結逆首張幅滿逆匪董福祥鳳

正喜等股紛擾安塞縣屬橋扶峪新莊口等處地方並招納叛勇謀攻延安府城經提督劉厚基於府村道左舖擊敗張幅滿將家屬輜重寄匿馬家莊分股四竄劉厚基帶同劉聲集掩擊賊眾潰走復襲破王家坪下寺灣等處賊巢沿途斬獲甚眾回土各匪來援復經劉厚基設伏進剿追斬城目一名生擒逆黨二百餘名該逆率黨抗拒官軍乘勢躡追立將橋扶峪老巢踏毀連破賊壘多處馬家莊踞賊開砲向官軍轟擊遊擊田玉廣首先陷陣連砍紅巾賊數名劉聲集等分路抄襲奮勇

兇擊賊勢不支官軍一齊擁入僞大元帥張幅滿攜其家屬投河身死賊黨泗水淹斃者不下數千並將僞副元帥李雄安等三十餘名及叛勇一百八十餘名拏獲正法剿辦甚屬得手所有在事出力之文武員升自應量予恩施以昭激勸記名提督劉聲集著賞給該員父母一品封典副將黃超羣戴貴品朱楚文均著賞加總兵銜黃超羣並賞給捷勇巴圖魯名號戴貴品並賞給勝勇巴圖魯名號叅將劉厚填著以副將仍留四川補用並賞給猛勇巴圖魯名號遊擊田正廣李作福均著

以副將儘先補用王賢俊等三員均著以叅將儘先補用內梁得勝鄧登科並賞換花翎都司張正喜等二員均著賞加遊擊銜並賞換花翎千總甘彰輝著以都司補用並賞換花翎把總梁德華等三員均著以守備儘先補用梁德華焦玉琴並賞戴藍翎許嘉陞並賞換花翎軍功梁肇榮等二名均著以千總儘先拔補並賞戴藍翎州同鄧鍾衡著免選本班以知州留於陝西儘先補用補缺後以應升之缺升用縣丞馬樑臣著以知縣仍留陝西儘先補用並免交分發銀兩府經歷梁以恭

著以知縣儘先選用並賞戴藍翎從九品袁文炳著以  
縣丞儘先選用並賞戴藍翎陣亡之叅將賀羣其子  
張文彥李興藻把總黃良弼外委王佐均著交部照例  
議卹以慰忠魂其餘出力各員著准其彙案保奏毋庸  
冒濫片片奏請將運糧出力暨中伏被戕各員分別獎  
卹等語署陝西甘泉縣知縣湖北試用通判魯學浩力  
濟軍糧并深入賊巢尙能不分畛域魯學浩著免補本  
班以同知仍留湖北遇缺卽補並賞戴藍翎此係破格  
獎勵他省不得援以爲例把總康應選本係甘泉縣失

守案內應行擬罪之員此次帶團剿賊中伏被戕情殊  
可憫著交部照把總例議卹該部知道欽此

秦剿擒獲勝現檄各軍大舉截勦摺

奏爲官軍剿擒獲勝擒逆復渡涇東竄現檄各軍大舉  
截剿亦摺馳陳仰祈

聖鑒事竊擒逆屢經官軍剿敗急圖回竄河南等前  
摺業經陳明時因涇水向漲賊難覓渡仍盤旋渭水北  
岸渭南縣屬境七月二十一日廣東提督劉松山安徽  
壽春鎮李祥和前提督銜記名總兵郭寶昌率所部進  
勦師抵渭南縣屬之官底鎮探知賊踞新莊馬家堡一  
帶廿三夜四鼓劉松山李祥和率所部及德發兩營分

由中路左進郭寶昌率所部由右路進順壽安全四營馬隊張兩翼包抄天甫明卽抵新莊賊倉卒拒敵官軍四面蹙之立斃堡內賊三百餘分踞各莊之賊均向東南而竄官軍分路截擊忽馬賊千餘騎橫出衝撲郭寶昌擊敗之各軍乘勝追三十餘里至永樂鎮共擒斬髮捻逆五百餘名奪騾馬百餘是夜二鼓賊折而西竄後隊猶踞渭南屬之倉頭一帶天明官軍追及悉銳衝殺擒斬約六七百名至東屯村收隊訊據投誠之賊楊春三李光保僉稱賊中最悍頭目二老坎已中砲伏誅矣

二十六日賊西竄臨潼縣屬石川河官軍追至僅斃殿  
後賊數十名是夜賊竄近三原縣城掠城而過劉效忠  
於二十七日率馬隊追之賊已由涇陽之塔底渡過涇  
河劉效忠斃其尾賊七八十名拔出難民百餘名二十  
八日賊至咸陽分撲縣城東北及南岸濱渭一帶希圖  
奪船偷渡均經統帶勝果三營記名總兵羅洪德擊退  
斃賊數十名生擒九名奪騾馬六十餘匹官軍亦有傷  
亡是日劉松山李祥和郭寶昌率所部至賊已竄至興  
平之郭空祠桑家鎮一帶旋竄乾州醴泉交界之溝里

楊家尹家等莊八月初二日賊由興平三家莊擄船渡渭而南甫過數十騎適黃鼎一軍先後由咸陽渡河駐終南鎮訶賊偷渡急起截之賊遙見南岸塵起知官軍馳至遽遁回北岸初四日劉松山李祥和郭寶昌等由陳家莊分路回擊遇賊於呂家莊一帶擊敗之共斃馬步悍賊三百餘名奪騾馬數十是夜賊復由乾州江村折回東甌初五日官軍由大馬莊橫截而出擒斬數十名追至興平屬之南四莊則賊又回竄咸陽初六日申刻由咸陽縣城竄過適臣劉典馳至急調所部過河扼

之賊見官軍嚴整不敢犯旋卽縮退是夜二更後暴雨疾馳分由臨涇一帶渡涇而東自初六日起至二十夜四更止晝夜大雨傾注河渭涇洛及各溪澗細流同時盛漲二十一二十二兩日雨止而宿霧不收二十二夜至二十三日復又大雨據潼關廳報黃河疊長至二十丈分守渭河南岸各軍報渭水疊長至三丈以外各軍薪糧購運極艱以渭川南北野潦縱橫車馱均阻故也臣宗棠駐營臨潼城西距省僅五十里坐卧沮洳中炊煙欲絕卽文報亦形梗阻目覩農田秋稼多就蕩萎將

來民食軍食艱貴可知天時人事至此殊深憂灼賊自  
渡涇後踞涇陽屬雲陽鎮踪跡尙在三原富平間亦因  
大雨連旬不能肆其狂逞方賊之渡涇而東也臣宗棠  
於初十夜卽飛致主客諸軍由涇水西岸取其向三原  
富平大舉橫排併進冀三進殲之乃阻水半月致愆師  
期實非意料所及現在機局未改軍心猶奮一俟晴霽  
路乾卽當剋期並舉慎以圖之所有戰事情形謹合詞  
據實陳明伏乞

皇太后

皇上聖鑒訓示謹

奏  
同治六年八月二十六日

奏甯條梁被陷米脂被擾自請議處摺

奏爲靖邊縣屬甯條梁鎮被賊陷踞米脂亦有騎賊窺擾現籌辦理並請

旨將臣交部議處以重邊防仰祈

聖鑒事竊

臣

於八月二十二日接延榆綏道嵩壽馳稟

八月初八日據懷遠縣知縣劉昌蕃稟報初三日午後賊陷靖邊縣屬甯條梁鎮賊數約一萬多人商民紛紛逃避又據綏德州知州沈際清稟云審堡踞賊竄及距州城百餘里之折家坪州城戒嚴米脂縣知縣張守基

稟初八日辰刻突來騎賊數百直撲縣城請咨山西撫  
臣檄調大同鎮總兵馬陞帶兵越境防剿臣以山西倚  
河爲固馬陞所部分防包頭一帶甯條梁旣失則晉邊  
河曲保德之防亦爲喫緊而山西臬司陳湜回南增募  
之勇甫於奉

旨後派員回南召募一時難以速到晉防兵力並非有  
餘自應由山西撫臣及陳湜相機酌辦臣不敢強延榆  
綏一帶僅祇提督銜總兵胡世英馬步十營及延榆綏  
總兵陶茂森所轄綠營兵丁皆不足恃此外各軍均因

欠餉太久未及整理勉爲湊調實難期得力而秦事以  
剿捻爲急陝西至客各軍又萬難抽調再四籌維惟記  
名提督劉厚基一軍相距較近現因宜川報遊勇闖入  
搶掠該提督卽由甘泉折回東趨進剿臣卽飭其由宜  
川取道延川延長以赴綏德米脂遇賊卽擊冀可速赴  
戎機現在黃河水勢盛漲晉防當可無虞臣已咨行山  
西嚴密布置如天之福能先將捻逆掃除秦省兵力始  
敷分布臣因籌剿腹地之賊未及先事綢繆致邊外要  
地被賊陷踞疏忽之咎實無可辭應請

旨交部議處至延榆綏道請壽於所轄地方軍情賊勢  
漫不經心自臣入關後曾從未接該道一稟前此靖邊  
失守亦未據該道稟報劉厚基保安塞勝仗保六七  
月間事該道八月初十日發稟尙若無所聞至賊陷甯  
條梁撲米脂縣城有漸近榆林之勢始據稟稱咨調蒙  
兵請調山西之兵越境防剿其全無籌畫已可概見延  
榆綏總兵陶茂森於靖邊失守時派右營遊擊李允芳  
帶領官兵五百十四員名由懷遠進剿懷遠西距甯條  
梁尙一百數十里進剿徒託空言又駐紮縣南不能扼

賊來路該總兵自派兵赴懷遠後并無續報甯條梁如  
何被賊陷踞情形亦未據呈報其玩視軍務已可概見  
相應請

旨將延榆綏道嵩壽延榆綏總兵陶茂森一併先摘翎  
頂責令振作圖功以重邊防而儆玩泄所有靖邊縣屬  
甯條梁鎮被賊陷踞米脂亦有騎賊窺擾現籌辦理情  
形謹據實馳

奏伏乞

皇太后

皇上聖鑒訓示謹

奏 同治六年八月二十六日

同治六年九月初二日內閣奉

上諭靖邊縣屬之甯條梁鎮被陷及米脂被擾情形前據裕瑞等奏報與左宗棠所奏大略相同著左宗棠懍遵前旨會商庫克吉泰喬松年迅卽撥兵力圖掃蕩左宗棠以邊外要地未及先事綢繆致被賊陷自請交部議處之處著加恩寬免延榆綏道嵩壽稟報遲延全無籌畫延綏榆總兵陶茂森帶兵剿賊徒託空言又不能

扼賊來路均著摘去翎頂以儆玩泄欽此

請飭催曹克忠速赴陝甘仍統舊部片

再陝甘兵事分支宜多以地勢遼濶賊類甚繁也兵勇  
宜精不宜多以人多則饋運艱糧貴則耗費重也現在  
舊將之堪當一路如前甘肅提督曹克忠者前因病回  
直隸天津本籍應懇

皇上天恩勅下直隸督臣催其速赴陝甘仍統舊部勿  
許藉病規避庶臣得收指臂之助謹附片陳明伏乞  
聖鑒訓示施行謹

奏同治六年八月二十六日

軍機大臣 字寄同治六年九月初二日奉

上諭左宗棠等奏官軍剿擒獲勝擒逆復渡涇東竄甯  
條梁鎮被賊陷踞米脂亦有賊踪並請將田興恕易名  
帶隊各摺片覽奏均悉擒逆由渭南屬境於七月廿三  
至八月初六等日竄擾臨潼等處旋竄咸陽乘夜冒雨  
疾馳分由臨潼一帶渡涇而東該省大雨連旬未能尅  
期進剿著左宗棠等俟晴霽後督飭各軍會籌剿辦迅  
殄逆氛靖邊縣屬之甯條梁鎮被陷及米脂被擾情形

前據裕瑞等奏報與左宗棠所奏大略相同著左宗棠  
懍遵前旨會商庫克吉泰喬松年迅卽撥兵力圖掃蕩  
左宗棠以邊外要地未及先事綢繆致被賊陷自請交  
部議處之處著加恩寬免延榆綏道嵩壽稟報遲延全  
無籌畫延榆綏總兵陶茂森帶兵剿賊徒託空言又不  
能扼賊來路均著摘去翎頂以儆玩泄左宗棠請調曹  
克忠赴營等語已有諭旨令劉長佑飭令來京陛見後  
卽行赴營矣將此由六百里諭知左宗棠庫克吉泰喬  
松年並傳諭劉典知之欽此

甘省糧餉奇絀援案請辦米捐摺

奏爲甘省糧餉奇絀臣軍月餉不敷甚鉅軍糧購運維艱援案請辦米捐籲懇

天恩量准推廣收捐以資接濟而裨軍食仰祈

聖鑒事竊臣軍先後入秦及續募馬步各營之在途者併計步隊四十餘營馬隊三千餘騎綜核各營餉項及津貼糧價採辦軍火並轉運經費每月已不下三十萬兩臣上年奏明未接督篆以前各省原協甘餉仍解甘肅比但擬帶數千人過征入陝約計新增閩粵浙等省

協餉十餘萬兩暫可敷衍而行至鄂豫適當捻逆披猖  
因添集舊部趕購馬匹洋鎗戰事雖少餉需已增各省  
原協甘餉經臣緘類催報解倍旺於昔臣途聞餉匱曾  
提用十餘萬兩餘仍分起撥解臣既入陝陝甘兩省兵  
事餉事均用通盤籌畫甘省果須接濟則俟洋商借款  
解到酌量撥解陝省軍事方殷臣亦當與撫臣喬松年  
熟籌餉事酌濟敢戰各軍資遣可撤各營議舉無主荒  
土皆需巨款臣所借洋商銀兩以山西票商無可匯兌  
逐批轉運計九月內尙難到齊卽到齊後指用旣多亦

易告罄冬春間卽不免有前突後竭之虞軍餉不繼大  
可虞者一也南軍乍來西土食麥未慣不能不米麥並  
採以供搭放無論糧價運腳之貴糧臺津貼不貲卽採  
辦亦甚費周折軍糧不繼大可慮者二也晝夜焦思計  
惟援照臣在浙撫任內辦理米捐及撫臣喬松年現請  
推廣陝省米捐各案於秦楚蜀產米之區及山西河南  
兩鄰省勸辦甘肅米捐以濟軍食惟同一米捐陝省既  
經撫臣變通辦理

欽差大臣湖廣督臣李鴻章復委員於河南陝州設局

變米捐爲麥捐或搭收餉票或減折麥價均未能卽有  
成效臣再仿照辦理捐生無多餉原仍絀開捐與不開  
等以縣金待炊之衆盼此彼相爭之捐項與購運極難  
之軍米其何能稍濟急需伏查部定不准在外收捐各  
條係爲力顧京餉起見自部議行令各省停收後惟前  
任江西撫臣沈葆楨力陳江省艱窘經部議准展一年  
撫臣喬松年援案懇請推廣部臣駁之始以淮捐州縣  
爲請臣深知銅局專收各條關係京餉何敢輒有瀆陳  
然念甘省兵事餉事之難與微臣籌餉籌糧之窘既視

沈葆楨在江西時艱苦倍徙亦較現在陝西一省餉事更形窘迫不早設法辦捐則別無可開之餉源若徒循案辦捐亦仍無可集之捐數惟有籲懇

皇上逾格恩施俯念甘肅籌餉籌糧之難甲於天下准將京銅局專收各條酌歸甘肅米捐局收捐以廣招徠而裨糧餉仍照江西成案自開局之日起收捐一年卽行停止以顧京餉他省皆不得援以爲例京餉局專收各條有以十成實銀上兌者有以五成實銀五成抄票大錢上兌者茲甘肅餉糈均形奇窘擬請銀米兼收應

以十成實銀上兌者准交銀米各半應以五成實銀五成抄票大錢上兌者擬以十成實銀合計米數本折一體收捐均不搭交抄票餉票庶與京銅局章程不甚軒輊捐生無所避就無碍京捐卽與李鴻章議辦麥捐喬松年現改米捐兩無窒碍而陝甘兩省餉事軍事實均裨益謹將改捐章程及擬請推廣各條另繕清單恭呈

御覽如蒙

恩允並懇

敕部頒發各項空白執照五千張以資填用臣當派員  
赴湖廣四川山西河南及陝西產米地方設局辦理一  
俟集有成數按次請獎所捐銀米歸入軍需項下彙報  
所有援案請辦米捐並懇推廣收捐緣由謹附驛馳  
奏伏乞

皇太后

皇上聖鑒敕部速議施行謹

奏  
同治六年八月二十六日

謹將議辦甘肅米捐及擬請推廣收捐章程八條繕列

清單恭呈

御覽

一陝西米捐章程捐納實職照籌餉例統減四成核算  
凡捐米一石加耗米一斗五升運費銀三錢五分准作  
捐例銀五兩此次甘局收捐除搭收實銀之項不得全  
交米石及合米折價外其准交米石之捐款有因道路  
寫遠及鄰省來捐者仍照陝西成案准交折色並卽照  
陝局新章每米一石連折耗運費折交銀二兩以庫平  
實銀上兌飯銀照費令捐生照章交納隨時附便搭解

一道府州縣請准暫行收捐一年爲限限滿卽行截止  
一分缺先前分缺間及前本班儘先前並新班遇缺儘  
先補用各班次暨捐免保舉一條請均准暫行收捐示  
以一年爲限查分缺先前等四項班次及捐免保舉京  
銅局均以實銀上兌甘肅餉糈並紬應請以銀米各半  
上兌

一捐免迴避各項人員捐免歷俸捐免離任三條京餉  
局收五成實銀五成抄票大錢等項捐生赴甘局上兌  
者旣無抄票大錢可搭局中亦擬不收餉票以歸實際

擬以十成銀合米數本色折色一體收捐亦一年爲限  
一軍營保舉文員分發後報捐捐省一條請准暫行收  
捐亦以一年爲限照米捐章程收捐

一米捐章程按卯繕具清單奏交戶部核議再由吏兵  
等部給照辦理未能迅速此次甘局擬請比照陝省新  
援皖省捐案部議核准章程改奏爲咨悉由戶部發照  
一俟稍有成數卽挨造清冊按次咨送戶部核給執照  
俾捐生早奉部覆以期踴躍

一虛銜升銜加級請

對飭支各項如有願赴甘肅報捐者仍一體收捐擬請  
查照米捐章程分別辦理一律不搭餉票

一或有情殷報效願以米麥項餉軍而力有未充不敷  
請獎並鄉僻居民但求頂戴者擬由臣刊發五品以下  
捐助軍糧功牌視捐數之多寡分等給予外獎存俟彙  
咨

請 賞給劉厚基母氏棧枝珍藥片

再記名提督西林巴圖魯劉厚基由勇丁從征粵西川  
陝積功洊保今職臣宗棠未入關之先卽聞其撲勇著

名毫無軍營惡習心竊重之此次陝西北路回逆勾結  
固原土匪及甘肅潰勇蜂屯蟻聚勢甚披猖延安一府  
四面皆賊提督銜記名總兵胡世英奉穆圖善檄委統  
帶馬步十營四千餘之眾駐延防守一無區畫馴至近  
府數十里之甘泉安塞兩縣一片賊氛府城亦形岌岌  
劉厚基前由鄜州力援甘泉攻破府村賊巢擬乘勝攻  
勦安塞賊踞各巢約胡世英夾擊胡世英不應劉厚基  
卽獨率所部二千人越延安府西境直擣橋扶老巢獲  
此奇捷屏蔽鄜延斷賊東西勾結之路以寡擊眾厥功

甚偉其迅厲無前足覘其勇其不避艱險力顧大局足  
覘其忠該員官階已保至記名提督業經蒙

恩賞給西林巴圖魯勇號并會

賞給封典無可復加惟前據劉厚基稟稱戎馬奔馳經  
今十載未遑將母夢寐難安今年正月母親思子甚切  
遠道來秦看視適廊坊兵變奉檄卽行母子一見忍淚  
而別適接母親信以衰齡遠道水土不服疾病叢生忽  
擬南歸諭令軍事少間稟請給假回西安省視以便束  
裝返里可否請示前來情詞惻惻動人

臣宗棠以北山

回土各逆出沒無常而其時各逆又適有勾結延安勇  
丁於七月二十五夜圍襲郡城之耗劉厚基未可暫離  
婉示以忠孝本非兩事暫應留防毋庸回省因聞劉厚  
基平日事母頗孝母亦賢明劉厚基從前里居時卞急  
尙氣每遇觸發一經母諭立止人兩賢之此次劉厚基  
戰功卓著應請  
優加獎勵仰懇

皇上天恩賞給劉厚基母氏優敘及

內府珍藥俾資頤養以慰孝思而明教忠之效其於風

世勵俗勸孝教忠之義實爲有合准出自

逾格鴻施非臣下所敢妄擬謹附片具陳伏乞

聖鑒訓示施行謹

奏  
同治六年八月二十六日